



Publicaziuns dalla vischnaunca, jamna 49

Damonda da bagheggiar

Datum da publicaziun: ils 7 da december 2012

Nr. 2012-1074

Il patrun: Bruno Tschuor-Dermon Via Craiers 3, 7180 Disentis/Mustér

Il representant: Bruno Tschuor-Dermon Via Craiers 3, 7180 Disentis/Mustér

Object: Construcziun d'ina bargia da lenna sin parcella 1820, Via Craiers 3, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encounter sura damonda da bagheggiar ein d'inoltrar a scret enteifer 20 dis alla instanza da bagheggiar, caum postal 57, 7180 Disentis/Mustér. La protesta sto esser motivada e suttascreta dil recurrent ni da siu representant.

Disentis/Mustér, ils 30-11-2012

Uffeci da bagheggiar Disentis/Mustér

Plan da quartier Vitget Crestas

al Crest d'Acletta: Approbaziun

La suprastanza communal ha a caschun da sia seduta dils 3 da december 2012 approbau la revisiun parziale dil plan da quartier Vitget Crestas al Crest d'Acletta.

La procedura ei succedita sin fundament dallas prescripziuns corrispondentas dalla lescha davart la planisaziun dil territori e l'ordinaziun davart la planisaziun dil territori dil cantun Grischun. En special ein stai publicai suandonts documents:

Plan da quartier Vitget Crestas al Crest d'Acletta

- Plan da quartier «Vitget Crestas al Crest d'Acletta», situaziun 1:500
- Plan da quartier «Vitget Crestas al Crest d'Acletta», avertura 1:500
- Plan da quartier «Vitget Crestas al Crest d'Acletta», reggruppament da terren 1:500
- Prescripziuns tiel plan da quartier «Vitget Crestas al Crest d'Acletta»
- Rapport digl uffeci funsil Cadi
- Rapport da cooperaziun

Ils documents ein stai exponi publicamein naven dils 24 d'uost entochen ils 24 da settember 2012, resp. naven dils 26 d'october entochen ils 26 da november 2012. Encunter il plan da quartier ei enteifer il termin fixau vegniu inoltrau neginas protestas, aschia ch'il plan da quartier entra en vigur.

Encunter l'approbaziun dil plan da quartier Vitget Crestas al Crest d'Acletta savegnir recurriu enteifer 30 dis dapi il datum da publicaziun alla Dertgira administrativa dil cantun Grischun.

Disentis/Mustér, ils 4-12-2012

Suprastanza communal Disentis/Mustér



Cussegli da vischraunca

Il cussegli da vischraunca seraduna **venderdis, ils 14 da decembre 2012 allas 19.30** el Center sursilvan d'agricultura a Salaplauna a sia davosa seduta dalla perioda d'uffeci 2009/2012.

Tractandas:

1. Protocols nr. 30- e 31-2009/2012
2. Ovra Acletta: Situaziun actuala e proceder futur (messadi nr. 54-2009/2012)
3. Ura da damondas (conform ad art. 44 dil regulativ da fatschentas)

La presidenta dil cussegli da vischraunca

Scaldaments mobils el liber

«bulius da scaldar, radiaturs, radiaturs d'infratgietschen e.a.v»

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposizion:

1. Per mintga apparat da scaldar mobil che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir compensau 1 tonna CO₂. Per apparatus cun ina prestaziun da sur 14 kW e cun ina prestaziun da scaldar maximala da 28 kW sto vegnir compensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir compensau 3 tonnas CO₂ e.a.v. Silmeins 20% dall'emissiun CO₂ sto vegnir compensada en Svizra.
2. Per mintga tonna che sto vegnir compensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da comprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.
3. La compensaziun dall'emissiun da CO₂ succeda entras il gestiunari ni entras la vischraunca.
4. Sch'ils gestiunaris compenseschan sez l'emissiun da CO₂, vegn la vignetta concedida gratuitamein entras la vischraunca. La compensaziun sto vegnir cumprovada cun in certificat d'ina interresa specialisada sil sector dalla compensaziun da CO₂ (p. ex. myclimate). Per apparats da scaldar electrics po l'obligaziun da compensar l'emissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir compensada – cumprodavamein 4500 kWh d'electricitatad ch'ei vegnida producida cun energias regenerablas.
5. Sch'ils gestiunaris compenseschan buca sez l'emissiun da CO₂, ston els comprar tier la vischraunca ina vignetta per mintga tonna CO₂ che sto vegnir compensada. Il prezi per vignetta importa frs. 60.–.
6. Las vischrauncas impundan igl entir recav dalla vendita da vignetas per compensar l'emissiun da CO₂. Igl uffeci d'energia e traffic metta a disposiziun in agid d'execuziun per las vischrauncas.
7. Per decretar sancziuns en cass da cuntravenziuns, en special incassar multas, ein las vischrauncas responsablas (art. 36 s. LEG).
8. Quell'ordinaziun entra en vigur igl 1. da settember 2011.

Las vignetas san vegnir retratgas **naven digl 1. d'octobre 2012** tier l'administraziun communal. Per ulterior sclariment stat igl uffeci da bagheggiar (Ervin Maissen, tel. 081 920 36 46) a disposiziun.

Suprastanza communal Disentis/Mustér



Pigniel da Nadal 2012

La 3. classa reala/secundara Mustér organisescha uonn la vendita dil pigniel da Nadal. Ei vegn vendiu pignola mo sin empustaziun. La vendita ha liug avon il local forestal a Cuoz-Sut:

Gievgia, ils 20 da december 2012 dallas 8.30–11.00.

Il pigniel sa vegnir empustaus entochen ils **12 da december 2012** cun indicar num, prenum, adressa, sort dil pigniel e grondezia. Il talun d'empustazion anfleis Vus sin la pagina d'internet www.dissentis.ch.
Adressa: Scola Mustér, vendita da pigneuls, Caum postal 41, 7180 Disentis/Mustér Telefon: 079 294 29 64, mintgamai gliendisdis ni mesjamna denter las 17.00–19.00 079 648 46 03, mintgamai gievgia ni venderdis, denter las 17.00–19.00 Mail: gvenzin@scoladissentis.ch

Pégn (Rottanne)	1,10–1,50 m frs. 26.–
	1,60–2,00 m frs. 29.–
	2,10–2,50 m frs. 33.–

Viez (Weisstanne)	1,20–1,70 m frs. 38.–
	1,80–2,50 m frs. 43.–

Pégn da Nordmann	1,10–1,50 m frs. 41.–
	1,60–2,00 m frs. 53.–
	2,10–2,50 m frs. 67.–

Pinar sez il pigniel da Nadal!

Igl uffeci forestal dat era uonn la pusseivladad a mintga habitont ni hosp da Mustér dad ir egl uaal a pinar gratuitamein il pigniel da Nadal giavischau. Il forester communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed ina resgiutta **sonda, ils 22 da december 2012 allas 9.00 sil parcadi dil Center da sport e cultura, Mustér.**

Uffeci forestal Disentis/Mustér

Reducziun individuala dallas premias dalla cassa da malsauns 2012

Persunas e famiglias che vivan en relaziuns economicas mudestas san, risguardond certas premisas, dumandar contribuziuns vid las premias dall'assicuranza da basa obligatoria per la tgira da malsauns (LAM).

Persunas che han aunc buca fatg diever dil dretg san far quei entochen **la fin digl onn 2012 (davos termin, datum dil bul da posta 31-12-2012).**

Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch. Vus saveis era retrer ils formulars tier l'administratzion communal.

Per damondas stein nus bugen a Vossa disposiziun
Administraziun communal

Clom da quens

Il quen communal vegn serraus giu cun ils 31 da december 2012. Per saver risguardar las expensas occurridas uonn el quen 2012 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils **19 december 2012**.

Nus supplichein tuttas firmas sco era tut ils ufficials dalla vischnaunca d'observer quei termin.

Administraziun communal Disentis/Mustér



Purschida gratuita

La vischunaunca da Mustér porscha a ses habitonts la pusseivladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administrazione comunale sa per **mintga di digl** onn vegin retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni teater da film IMAX per in prezi special (frs. 4.– reduzziun)
- 10% rabat sin artechels ella stizun dil museum

Co fuss ei da far inagada in'excusiun a Lucerna, forsa gest cun nezegiar la carta dil di per viagiar cun quasi tut ils mieds da traffic publics en Svizra? Dapli informaziuns retscheveis Vus tier l'administrazione comunale Mustér (telefon 081 920 36 36 ni e-mail: admin@disentis.ch).

Nus giavischein ina nunemblideivila aventura el museum il pli frequentau en Svizra. *Suprastanza communal*

Controlla da habitonts Naschientscha

Alina Berther, naschida ils 25 da november 2012, feglia da Armin Berther ed Anja Klittich Berther.

Clom d'urgenza 118

Preziadas vischinas, prezai vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntascher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta sparsa pli gronds. Perquei s'adressein nus a Vus cun ina ferventa supplica: **clamei ils pumpiers mo sur il clom d'urgenza 118**. Era sche Vus veis mo in pign problem sa il polizist che pren encounter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la preventiun anfleis Vus sin nossa pagina www.pumpiers-sursassiala.ch.

Engraziel per Vies sustegn! *Vos pumpiers Sursassiala*

Sontgaclau a Segnas-Acletta

Sco mintgonn vegn il Sontgaclau da Segnas-Acletta era uonn puspei sin viseta. Per ch'el stoppi buca star avon escha serrada supplicescha el da communicar sch'el astga vegni a far ina viseta cun in per cuortas indicaziuns (cavazins).

Per tut ils interessai vegn igl oremus prelegius allas 23.00 ell'ustria «Crestas» a Segnas.

Las annuzias san vegnidias termessas **entochen ils 7-12-2012** a la suandonta addressa: Carlo Monn, president UG Segnas-Acletta Via Cuoz-sut 4, 7186 Segnas ni per mail sin: carlomonn@hotmail.com

Cordial engraziament ed in bi temps da Nadal giavischha a Vus *l'Uniun da giuventetgna Segnas-Acletta*



Sontgaclau 2012

Prezai vischins dalla fraczin Vitg **Sonda, ils 8 da december 2012** viseta Sontgaclau ils affons el center dil vitg, ellas ustrias e la sera tier las famiglias a casa.

Per saver organisar meglier las visetas tier las famiglias a casa, supplichein nus Vus da s'annunziar a secret cun far entginas indicaziuns entochen gievgia, ils 6 da december 2012 alla suandonta adressa: Sontgaclau 2012, Vitg, 7180 Mustér, ni sontgaclauvitg@hotmail.com

Suenter l'usitada messa da Sontgaclau s'entaupan ils dus Sontgaclaus da Vitg cun lur suitas avon il hotel «La Furca» cun tuts che han plascher tier ina paterlada, punsch, vin cauld e suppa.

Ei fagess grond plascher da s'entupar cun Vus.
Cordials salids *Sontgaclau e sia suita*

Sontgaclau Funs, Clavaniev, Latis

Il Sontgaclau envida tut ils vischins ils **8 da December 2012** dallas 17.00 entochen ca. las 18.30 ad ina sentupada el curtin dalla «Villa». Bugen fa il Sontgaclau la sera era ina viseta tier Vus a casa. Annunzias ni giavischs san vegni communicai a Curdin Maissen, Via Latis 6, 7180 Mustér ni via curdin_maissen@hotmail.com

Uniun da dunnas Mustér
Sontgaclau viseta ils seniors

Dumengia, ils 9 da december 2012 allas 13.30 en halla Cons

Cun grond plascher envidein nus tut ils convischins e las convischinas da **60 onns ensi** alla tradiziunala sentupada cun Sontgaclau. Cun in pign program, viseta dil Sontgaclau ed in puschechn lein nus porscher a Vus in per emperneivlas uras en cumpignia. Nus selegrein da passentar ensemens cun Vus in bi suentermiezdji.

Cordialmein envida
Uniun da dunnas Mustér

Apparats d'udida

Gliendisidis, ils 17 da december 2012 saveis Vus schar schubergiar e regular Vies apparat d'udida en Casa da tgira Sursassiala a Mustér che sesanfla en claustra ed a Curaglia. A Mustér ei il liug signalisaus: a Mustér naven dallas 14.00 tochen ca. las 15.15 a Curaglia naven dallas 15.30 tochen ca. las 16.30 L'uniun Pro Auditio Chur, cun Arthur Jacomet fa quei survetsch per tuts interessents gratuitamein.

Cordiala invitaziun *Casa da tgira Sursassiala*

Preavis seras da divertiment

Dumengia, ils 30 da december 2012 representan Francince Jordi, Nina Burri e la gruppa da cant Acavoce allas 20.00 el Center da sport e cultura. **Venderdis, ils 22 da mars 2013** ha liug medemainein el Center da sport e cultura Muster ina sera da divertiment cun il cabaretist Marco Rima. El presenta siu pli niev program. Organisaziun: la culturella.



Uniun samaritana Mustér

Nus serimnein **gliendisdis, ils 10 da december allas 19.15 avon halla Cons.** En buna cumpignia lein nus passentar ina biala sentupada d'avent cun entginas surpresas ed in pign puscheagn. Trer en resti cauld!

Selegrond sin Vossa participaziun ed ina biala sera salida
la presidenta

Sentupadas d'avent el vitg da Segnas

Selegrar, tedlar historias, gustar, rir, sediscuorer, smarvegliar ... Tut quei ed aunc dapli vulein nus, pigns e gronds, far communablamein duront las sentupadas d'avent el vitg da Segnas.

Nossa proxima sentupada ha liug: **Dumengia, ils 9 da decembre 2012 allas 17.00** el clavau sper via all'entschatta dil vitg.

Tuts ein cordialmein envidai e beinvegni.
Nus selegrein da s'entupar cun Vus.
La grappa d'organisaziun dil vischinadi Segnas

Contact: Regina Giger-Caminada, 079 228 53 23, e-mail: contact@rgc-art.ch

2. Surselva Classic

Sonda, ils 5 da schaner 2013 – mira sut Cadi.